



## **TOSHKENT DAVLAT YURIDIK UNIVERSITETI REKTORINING B U Y R U G ' I**

---

02.12.2024

866-tm-son

### **Talabaga hayfsan e'lon qilish to'g'risida**

Bugungi kunda universitetda yuksak talablar va zamonaviy xalqaro standartlarga javob beradigan yuqori malakali yuridik kadrlarni tayyorlash maqsadida talabalarni ma'naviy-axloqiy tarbiyalash, huquqiy madaniyati va ongini oshirish bo'yicha samarali tizimni yaratish, ularda yuksak ma'naviy-axloqiy fazilatlarni shakllantirish hamda rivojlantirish maqsadida bir qator chora-tadbirlar amalga oshirilmoqda.

Shunga qaramasdan, universitetning ayrim talabalari tomonidan o'quv intizomi, Odob-axloq kodeksi va ichki tartib qoidalarini buzish holatlari kuzatilmoqda. Jumladan, Xususiy huquq fakulteti 2-Kurs talabasi Shonazarov Shaxzod To'liq o'g'li odob-axloq kodeksi va ichki tartib qoidalar bilan tanishtirilgan bo'lsada, 2024-yilning 8-noyabr kuni Ekologiya huquqining 14:30-15:30 dagi seminar mashg'uloti vaqtida talaba Sh.Shonazarov o'qituvchi O.Otamirzayevning ruxsatisiz darsni bo'lib, o'zining g'ayrioddiy xulq-atvorini namoyon qilgan holda xonaga kirib-chiqib, boshqa talabalar diqqatini tortib, darsning sifatiga salbiy ta'sir ko'rsatgan. Shu bilan birga, o'qituvchi O.Otamirzayevning talabini bajarmasdan boshqa talabalar oldida unga hurmatsizlik qilgan.

Ushbu harakatlari bilan talaba Sh.Shonazarov Odob-axloq kodeksining 17-moddasi oltinchi xatboshisi (xodim, talaba va doktorantlarga jismoniy, ma'naviy yoki moddiy zarar yetkazish), o'n birinchi xatboshisi (o'quv mashg'ulotlari va ishga hamda xodim va talabalarning osoyishtaligiga xalaqit beradigan xatti-harakatlar sodir etish), 18-moddaning birinchi xatboshisi (Xodim, talaba va doktorantlarning o'zaro munosabatlari milliy qadriyat va an'analar, yagona jamoaviy muhit, o'zaro hurmat va e'tibor, do'stlik, hamjihatlik, halollik va adolat tamoyillariga asoslanishi lozim), shuningdek, 26-moddaning to'rtinchi xatboshisi (odob-axloqqa oid milliy an'analarimiz, urf-odat va qadriyatlarimizni hurmat qilishga), 27-moddaning beshinchi, oltinchi va yettinchi xatboshilari (Universitet xodimlari va o'qituvchilariga qo'pollik qilmaslikka, ular bilan tortishmaslikka, agarda ular nohaq bo'lsa tegishli shaxslarga xabar berishga,

o'qituvchilarning shaxsiy hayotiga oid noo'rin savollar bilan murojaat qilmaslikka; xodim, talaba yoki doktorant bilan nizoli vaziyat yuzaga kelganda o'z hissiyotlarini jilovlashga va mazkur vaziyatni ko'rib chiqish bo'yicha tegishli bo'linma va xodimlarga (murabbiy (tyutor), dekan, O'zbekiston yoshlar ittifoqi boshlang'ich tashkiloti, Ma'naviyat va ma'rifat markazi, Talabalar assotsiatsiyasi) murojaat qilishga; o'quv jarayonida pedagog xodimning ko'rsatmalariga qat'iy rioya qilishga) talablarini buzgan.

Yuqoridagilarni inobatga olgan holda Oliy ta'lim to'g'risida Nizom (ro'yhat raqami 1222, 2003-yil 22-fevral), universitet ichki tartib qoidalari hamda Odob-axloq kodeksi, shuningdek, Ekologiya huquqi kafedrasida o'qituvchisi O.Otamirzayevning bildirgisi va talaba Sh.Shonazarovning tushuntirish xatlariga muvofiq

### **BUYURAMAN**

1. Xususiy huquq fakulteti 2-kurs talabasi Shonazarov Shaxzod To'liqin o'g'liga hayfsan e'lon qilinsin:

2. Xususiy huquq fakulteti (B.Musayev):

ushbu buyruq bilan Xususiy huquq fakulteti talabalarini tanishtirsin;

hayfsan e'lon qilingan talabalarning shaxsiy yig'ma jildiga buyruq nusxasi tikilishini ta'minlasin.

3. Mazkur buyruq bajarilishini nazorat qilish Yoshlar masalalari va ma'naviy ma'rifiy ishlar bo'yicha birinchi prorektor A.Xashimhonovga yuklansin.

**Rektor v.v.b.**



**I.RUSTAMBEKOV**

Toshkent shahar

**Kiritildi:**

Dekan (fan doktori yoki fan doktori  
(Doctor of Science) ilmiy darajasiga  
yoki xorijiy davlatlarning unga  
tenglashtirilgan boshqa ilmiy  
darajalariga yoki professor ilmiy  
unvoniga ega bo'lgan)

B.MUSAYEV

**Kelishildi:**

Yoshlar masalalari va ma'naviy-  
ma'rifiy ishlar bo'yicha birinchi  
prorektor

A.XASHIMHONOV



Direktor

SH.PO'LOTOV



Katta yuriskonsult

A.TURSUNOV

